

**He whakarāpopototanga o ngā
whakahokinga kōrero mai mō *He
taonga te tamaiti: He mahere rautaki
hukihuki mō ngā ratonga akoranga
2019-29***

Whāinga 1: Ka hikina te kounga mō ngā tamariki mā te whakapai i ngā paerewa kua whakaturea	4
1.1 Te whakarite i ngā ōwehenga pakeke:tamaiti hou mō ngā pēpi me ngā kōhungahunga	4
1.2 Te here i ngā ratonga akoranga kohungahunga ki te tautoko i ngā whanaungatanga haumarū, pūmau anō hoki mō ngā tamariki	4
1.3 He whakapoapoa mō te 100%, kia whakaritea ture mō te 80% o ngā kaiako whai tohu i rō pokapū whai kaiako, e eke ai te whakarite mō te 100%	4
1.4 Te whakawhanake tohutohu mō te nui o te rōpū, te hoahoa o ngā taiao me ngā āhuatanga taiao	5
1.5 Kāhiti i <i>Te Whāriki</i> (te marautanga akoranga kōhungahunga) hei tautoko i ngā tūmanako ngātahi.....	5
1.6 Te ārai i ngā kaituku ratonga kounga iti kia kore ai e whakatuwhera ratonga atu anō	5
1.7 Te whakapiki i ngā aroturuki ratonga.....	5
Whāinga 2: Ka pakari ia tamaiti mā te āhei atu i te wā tika ki ngā rauemi e hiahiatia ana kia momoho ia	5
2.1 Me mātua whakarite kia tautoko te pūtea tōkeke i te tamaiti e whai matea ana	5
2.2 Te hanga ngātahi i ngā utauta kauneke hei tautoko i te ako me te oranga o te tamaiti.....	6
2.3 Te whakawhānui i te maha o ngā ratonga akoranga kōhungahunga e taupua ana i ngā ratonga pāpori tauawhi hei tautoko i ngā tamariki me ō rātau whānau	6
Whāinga 3: Ko te haumi ki tō tātau ohu mahi he tautoko i te hiranga o te whakaako me te ako.....	6
3.1 Te whakapai ake i te ōrite me te taumata o te utu ā-tau a te kaiako me ngā here mahi puta noa i te rāngai akoranga kōhungahunga.....	6
3.2 Te whakakaha i te Mātauranga Kaiwhakaako Tīmata (ITE).....	6
3.3 Te whakapai ake i te akoranga me te whanaketanga ngaio (PLD).....	6
3.4 Te whakawhanake i tētahi rautaki puna ohu mahi	7
Whāinga 4: Mā te whakamahere ka uariatia, ka rawaka, ka kanorau te whakaratonga.....	7
4.1 Te whakawhanake me te whakauru mai i tētahi tukanga hei whakarite mēnā e hiahiatia ana he ratonga akoranga kōhungahunga.....	7
4.2 Te whakarato tautoko ki te poari me te tumu whakahaere mō ngā ratonga ā-hapori	8
4.3 Te tautoko i te whakatū me te tautiaki i ngā ratonga akoranga kōhungahunga kei runga i ngā whenua o te Karauna e whakahaerehia ana e Te Tāhuhu o Te Mātauranga	8
4.4 Te hanga ngātahi i tētahi tauira tuku pūtea tōtika me Te Kōhanga Reo National Trust.....	8
4.5 Te hanga ngātahi i tētahi tauira tuku pūtea tika me te Playcentre Federation	8
4.6 Te whai whakaaro ki te whakatū i ngā ratonga akoranga kōhungahunga a te kāwanatanga me tētahi kaupapa rangahau whai pānga	8
Whāinga 5: Ka auaha, ka ako, ka pai haere tonu te pūnaha akoranga kōhungahunga	8
5.1 Te whakatū i ngā pokapū auahatanga mō ngā akoranga ratonga kōhungahunga	8
5.2 Te tautoko i ngā ratonga akoranga kōhungahunga ki te mahi tahi ki ētahi atu ratonga mātauranga	9
5.3 Te tautoko i ngā arotakenga ā-roto kaha, kia pakari haere tonu ai	9
He aha kei te ngaro?	9

He whakarāpopototanga o ngā whakahokinga kōrero mai mō *He taonga te tamaiti: He mahere rautaki hukihuki mō ngā ratonga akoranga 2019-29*

Ngā whakawhitiwhiti kōrero tūmatanui mō *He taonga te tamaiti: He mahere rautaki hukihuki mō ngā ratonga akoranga 2019-29* i tū mai i te 19 o Whiringa-ā-rangi 2018 – 15 o Poutūterangi 2019.


I whakahaerehia e te Tāhuhu ngā hui tūmatanui 44 puta noa i te motu, neke atu i te 1900 ngā tāngata i tae ake, tae atu ki ngā hui me te hunga whai pānga. I whiwhi mātau i ngā tāpaetanga rangahau tuihono 2,264 me ngā tāpaetanga ā-tuhi 219 i te wā whakawhitiwhiti kōrero (i kati i te 15 o Poutūterangi).

I whakaritea anō e te Tāhuhu ngā rōpū whāiti e toru i tū ki Tāmaki Makaurau, Ōtautahi me Whangārei me ngā mātua, ngā kaitiaki rānei o ngā tamariki kōhungahunga.

Kia mōhio:

Ko ngā kauwhata (tātaritanga ine kounga) kei roto i tēnei whakarāpopototanga i ahu mai i ngā raraunga i kohia mai i te rangahau tuihono anake. I ahu mai te tātaritanga ine kounga i ngā whakautu o te rangahau, ngā hui me ngā tāpaetanga ā-tuhi i tae mai me ngā whakahokinga kōrero a ngā mātua me ngā kaitiaki i whai wāhi mai ki ngā rōpū whāiti.

Whāinga 1: Ka hikina te kounga mō ngā tamariki mā te whakapai i ngā paerewa kua whakaturea



1.1 Te whakarite i ngā ōwehenga pakeke:tamaiti hou mō ngā pēpi me ngā kōhungahunga

I tino tautokona tēnei, ā, koinei te mea matua katoa mō ngā te nuinga o ngā kaiwhakautu. Kei te hiahia ētahi i ētahi whakapaitanga atu anō. I puta ngā māharahara mō te puna kaiako, ngā pūtea me ngā pānga pea ki ngā whakaetanga hangahanga. Ka āwhina ngā tohutohu whakahaere i ētahi ratonga ki te whakatinana i ngā rōpū taipakeke.

1.2 Te here i ngā ratonga akoranga kohungahunga ki te tautoko i ngā whanaungatanga haumarū, pūmau anō hoki mō ngā tamariki

I tino kaha te tautokona. Ki ētahi kaiwhakautu ka uaua te ine i ngā whakaritenga, ka mutu kāore e hiahia ana mēnā ka whakapikihia te Mātauranga Kaiwhakaako Tīmata (ITE) me te ōrau o ngā kaiako whai tohu.

1.3 He whakapoapoa mō te 100%, kia whakaritea ture mō te 80% o ngā kaiako whai tohu i rō pokapū whai kaiako, e eke ai te whakarite mō te 100%

He rerekē ngā whakaaro. Kei reira ngā tautoko whānui mō te whakapiki i te rahi o ngā kaiako whai tohu, engari kāore i ōrite te tautoko kia whakaritea mō te 100% te whai tohu. Hei tā te hunga tautoko i tēnei ka whakapai ake tēnei i te kounga me te whakahāngai i te tūnga o te rāngai ki ngā mahi kura. He māharahara ō te hunga whakahē mō te whakatinanatanga me ngā pānga, tae atu ki te hiahia ki te pupuri i te hunga 'kāore he tohu' engari he pūkenga, he mōhio ō rātau (me te reo) me ngā whakangungu i rō ratonga. Ko te hiahia o te nuinga o ēnei kaiwhakautu kia whakaritea mō te 80%, engari ka whakapoapoa tonu mō te 100%. I kī ētahi kaiwhakautu kia nui ake ngā pūtea, ā, kia pai ake ngā kaitohutohu mō ngā kaiako tiwhikete whaiaro, me ngā huringa ki te whakamātautau IELTS. He rerekē ngā whakaaro o ngā mātua i roto i ngā rōpū whāiti e toru mō te hiahia ki te

whakapiki i te ōrau o ngā kaimahi whai tohu i roto i ngā ratonga whai kaiako. Hei tā ētahi mātua he nui ake te hira o te 'āhua o te tangata' i te 'tohu', ā, ki ētahi atu he mea nui te 'whai mōhio' tika.

1.4 Te whakawhanake tohutohu mō te nui o te rōpū, te hoahoa o ngā taiao me ngā āhuatanga taiao

I tino kaha te tautokona. Kei te hiahia ētahi kia wawe te whakapai ake i te whakaritenga – i kī ētahi anō he pānga kino pea ō te whakaritenga ā muri ake ki te whaihua o ngā ratonga, te whāiti rānei o te kanorautanga. I kī ētahi kaiwhakautu ka wātea rānei ki te tuku tohutohu.

1.5 Kāhiti i Te Whāriki (te marautanga akoranga kōhungahunga) hei tautoko i ngā tūmanako ngātahi

I tautoko te nuinga. I whakaae te nuinga o ngā kaiwhakautu me whakapūmau Te Whāriki ki roto i te rāngai, engari ki ētahi ehara te kāhiritanga i te kaupapa matua, i whakaputa māharahara rānei kei puta pea ngā ara ka whakahautia.

1.6 Te ārai i ngā kaituku ratonga kounga iti kia kore ai e whakatuwhera ratonga atu anō

I tino tautokona. Kei reira ētahi māharahara mō ngā kaiwhakarato tino pai ka hoko i ngā pokapū kei te raruraru hei 'whakapai ake' ka mate ko rātau, ā, me aukati ko ngā rangatira me ngā whakataka o ngā pokapū raruraru mai i te whakatū ratonga hou i raro i tētahi ingoa kamupene kē. Kei te hiahia ētahi kaiwhakautu kia kōrerorero tahi me te mana whenua i roto i ngā tono whakawhānui.

1.7 Te whakapiki i ngā aroturuki ratonga

E tautoko ana te nuinga, engari he nui tonu ngā kaiwhakautu e māharahara anō ka nui ake te wā me ngā uauatanga ki ngā pokapū kei te raruraru, kāore rānei ngā toronga ohorere e whakatipu ana i te hononga whaitake i waenga i ngā pokapū me ERO. Kei te hiahia ētahi kaiwhakautu i ngā takohanga hei aroturuki i te hāngai ki ngā tikanga Māori, ā, kia uru te mana whenua ki ngā takohanga. I kōrero ētahi kaiwhakautu mō te hira o te mātau ki ngā tikanga Māori i roto i aua aromatawai. I puta te hiahia o ētahi mātua i roto i ngā rōpū whāiti kia nui ake te uru atu ki te aroturuki.

Whāinga 2: Ka pakari ia tamaiti mā te āhei atu i te wā tika ki ngā rauemi e hiahiatia ana kia momoho ia



2.1 Me mātua whakarite kia tautoko te pūtea tōkeke i te tamaiti e whai matea ana

I tino tautokona. He maha ngā kaiwhakautu i kī me hāngai te tuku pūtea ki ngā hiahia o ngā tamariki, kua ki te tohu poutāpeta o te pokapū, ka mutu kia pai ake te aroturuki hei whakarite ka whakapaua ki te tautoko i ēnei tamariki. Kei te hiahia ētahi kia uru mai te mana whenua ki tētahi arotake, ā, kia uru mai ngā pokapū ara reo Māori ki te arotake.


2.2 Te hanga ngātahi i ngā utauta kauneke hei tautoko i te ako me te orange o te tamaiti

I tautoko te nuinga. He pai ngā whakaaro o ngā kaitohutohu pūtaiao me te hauora me ētahi mai i ngā hapori rawa kore mō ngā mea ka taea mai i ngā utauta anga whakamua kia pai ake te tautoko i ngā tamariki. Engari, he maha ngā kaiwhakautu e māharahara ana kei kōkiri ngā utauta anga whakamua i tētahi ara 'tohu pouaka' taipakeke whāiti me ngā wāhanga, e nui rawa rānei te arotahi ki ngā pūkenga mātauranga – e tino whakahēhia ana ngā mea e rua. Kei te hiahia ētahi kaiwhakautu kia uru atu te mana whenua ki te tukanga. I kōrero ngā mātua i roto i ngā rōpū whāiti mō tō rātau hiahia ki te mōhio mō te anga whakamua o ā rātau tamariki.

2.3 Te whakawhānui i te maha o ngā ratonga akoranga kōhungahunga e taupua ana i ngā ratonga pāpori tauawhi hei tautoko i ngā tamariki me ō rātau whānau

I tino tautokona. E ai ki tā te nuinga o ngā kaiwhakautu me takawaenga ngā ratonga akoranga kōhungahunga i te urunga ngāwari ki ētahi atu ratonga, me ngā kōrero nui mō te nui haere o ngā tamariki he raruraru ngā whanonga, he uua rānei te ako. He maha ngā kaiwhakautu i kī me whai pūtea kia tutuki ai tēnei tūtohutanga.

Whāinga 3: Ko te haumi ki tō tātau ohu mahi he tautoko i te hiranga o te whakaako me te ako



3.1 Te whakapapai ake i te ōrite me te taumata o te utu ā-tau a te kaiako me ngā here mahi puta noa i te rāngai akoranga kōhungahunga

I tino tautokona, ā, ko te whakaaro he mea nui mō te whakapapai ake i te rāngai. He rerekē ngā whakaaro me pēhea te whakatutuki i tēnei. He maha i kī me whai i tētahi ara whakariterite rangapū, ā, he tino maha anō i kī kia kaua. Ko te hiahia o ētahi kaiwhakautu kia whai pūtea mō ngā wā whakawātea i roto i ngā here.

3.2 Te whakakaha i te Mātauranga Kaiwhakaako Tīmata (ITE)

I tino kaha te tautokona. Ko ētahi o ngā māharahara nui mō te ITE onāiane ko te whakaaro he iti noa te mōhiotanga marau whānui o ngā ākonga me ngā pūkenga taketake mō te whakaako, ā, he rerekē te kounga o te ITE. Kei te whakaputaina e Matatū Aotearoa te Whakaaetanga Kaupapa ITE, Ngā Whakaritenga Aroturuki me te Arotake (ngā Whakaritenga) - e tohu ana i te neke i roto i ana tūmanako mō te ITE. Kei te hiahia ētahi kia tuituia e ngā kaiwhakarato ratonga paetata i ngā taura here me te mana whenua, iwi hoki hei whāngai mai i ngā kōrero o te Māori ki roto i ngā kaupapa, me ngā ōtita i ngā kaiwhakarato whakangungu mō ngā tikanga Māori. Kei te hiahia ētahi atu i ngā akoranga ITE tauwhāiti mō ngā kaiako o Te Moananui-a-Kiwa.

3.3 Te whakapapai ake i te akoranga me te whanaketanga ngaio (PLD)


I tino tautokona. He maha ngā kaiwhakautu i whakaputa i ō rātau māharahara mō te āhei atu, te utu me te kounga. He tauārai ngā pūtea mō te wā whakawātea me te haere, otirā i ngā wāhi tuawhenua. E whakatakoto

whakaaro ana ētahi kaiwhakautu mō te arotahi ki te PLD, pērā i te kaiārahitanga, te mātau ki ngā tikanga, hauora me te mātauranga motuhake. Kei te hiahia ētahi i ngā kaupapa PLD hāngai ki a rātau anō e whakahaerehia ana e ngā kaiwhakarato i whakaūngia e te mana whenua. Me te aha, e whakahaerehia ana e ngā kaiwhakarato me ngā pūkenga reo tōtika (otirā Te Moananui-a-Kiwa).

3.4 Te whakawhanake i tētahi rautaki puna ohu mahi

I tino kaha te tautokona. He nui ngā māharahara i puta mō te puna kaiako i roto i ngā tāpaetanga. He maha ngā kaiwhakautu kei te hiahia kia kaha ake te kukume mai a te Tāhuhu me te pupuri i ngā kaiako Māori me Te Moananui-a-Kiwa, me ngā kaiako tāne. Kei te hiahia ētahi kia mahi tahi te Tāhuhu me ngā iwi ki te tuku i ngā whakapoapoa hāngai ki ngā whānau. Kei te hiahia ētahi i tētahi mahere tauwhāiti hei whakangungu me te whakapakari ake i ngā kaiako o Te Moananui-a-Kiwa. I kī ngā mātua i roto i ngā rōpū whāiti he uara kei roto i tētahi ohu mahi kanorau.

Whāinga 4: Mā te whakamahere ka uaratia, ka rawaka, ka kanorau te whakaratonga



4.1 Te whakawhanake me te whakauru mai i tētahi tukanga hei whakarite mēnā e hiahiatia ana he ratonga akoranga kōhungahunga

I tino tautokona. Kei te hiahia ētahi kaiwhakautu kia noho matua ngā ratonga a te hapori, kei te hiahia ētahi atu i ngā ratonga hou katoa hei whakaatu ka pēhea te whakauru mai i te reo Māori, ngā tikanga me te mātauranga o te rohe. He maha ake ngā kaiwhakarato kei te whakahē i te mea ki ō rātau whakaaro mā te whakawhāiti i te whakaratonga o ngā ratonga ka kiriora, ka whakamārari rānei ngā ratonga onāiane me te ārai i ngā tukunga ratonga auaha. I kī ētahi kaiwhakautu he uaua te whakamahere i ngā whakaratonga, ā, ko te mātauranga matawhenua anake te āhuetanga e uaratia ana e ngā mātua. Hei tā ēnei kaiwhakautu kāore e tika ana mā te Tāhuhu ki te tuku whakatau i runga i te mōhio, ā, ko te ara māketete te mea tōtika. I whakaputa ngā mātua i roto i ngā rōpū whāiti i ā rātau tautoko mō te whakaaro hei āta whakamahere i ngā whakaratonga.

4.2 Te whakarato tautoko ki te poari me te tumu whakahaere mō ngā ratonga ā-hapori

I tino kaha te tautokona. He maha e whakapono ana me wātea mai ngā tautoko ki ngā ratonga tūmataiti. I kī ētahi kaitāpae me whakatenatena i ngā ratonga ā-hapori, ECE motuhake kia taka atu i raro i te maru o tētahi hinonga hapori nui ake, ā, kia whakahoki mai i ngā tautoko poari whakahaere, tumu whakahaere hoki i tukuna e te Tāhuhu i mua, ka mutu kia whai i tētahi ara kakama ake.

4.3 Te tautoko i te whakatū me te tautiaki i ngā ratonga akoranga kōhungahunga kei runga i ngā whenua o te Karauna e whakahaerehia ana e Te Tāhuhu o Te Mātauranga

Tāne/Wahine pupuri. Āhua tautokona. Kei te whakamoana ētahi kaiwhakautu i tēnei take me te whakaaro o ngā ratonga a te kāwanatanga. Ko te whakaaro o ētahi ko te Kura Kōhungahunga te tauira matua o te angitu i tēnei wāhanga, ā, kei te hiahia rīhi koreutu ētahi Kura Kōhungahunga o Aotearoa i ngā kura. He tino maha ngā kaiwhakautu kia kua e ahu mai ngā whakatau i ngā tauira rangatiratanga.

4.4 Te hanga ngātahi i tētahi tauira tuku pūtea tōtika me Te Kōhanga Reo National Trust

I tino tautokona. Ko te hiahia o ētahi kaiwhakautu tokoiti kia ōrite te tohanga pūtea pua noa i ngā kaiwhakarato katoa.


4.5 Te hanga ngātahi i tētahi tauira tuku pūtea tika me te Playcentre Federation

I tino tautokona. Ko te hiahia o ētahi kaiwhakautu tokoiti kia ōrite te tohanga pūtea pua noa i ngā kaiwhakarato katoa.

4.6 Te whai whakaaro ki te whakatū i ngā ratonga akoranga kōhungahunga a te kāwanatanga me tētahi kaupapa rangahau whai pānga

Te kaupapa he iti rawa te tautokona. Ahakoa e whakaatu ana te rangahau i te 59% o te whakaaetanga, he tino maha ngā tāpaetanga ā-tuhi kāore i tautoko. Ko ētahi māharahara ko te nui rawa o te āhehi atu o ngā ratonga a te kāwanatanga ki ngā rauemi me te ōrite haere. Kei te māharahara anō ngā kaiwhakautu mō tētahi take whai taharua mēnā ko te kāwanatanga te kaituku raihana, ā, nāna anō ngā ratonga. Kei te hiahia ētahi i tētahi kaupapa pērā i ngā kaitakawaenga Whānau Ora kia taea ai ngā tūmomo ratonga mā tētahi wāhi toronga kotahi.

Whāinga 5: Ka auaha, ka ako, ka pai haere tonu te pūnaha akoranga kōhungahunga



5.1 Te whakatū i ngā pokapū auahatanga mō ngā akoranga ratonga kōhungahunga

I tino tautokona, ā, he pai ngā kōrero a ngā kaiwhakautu mō te mahi tahi me ngā mātanga rangahau. Kei te māharahara ētahi tokoiti mō te kore e ōrite o te whakamahahi i ngā pokapū, kāore rānei e puta ngā hua pai ake mō ngā tamariki.

5.2 Te tautoko i ngā ratonga akoranga kōhungahunga ki te mahi tahi ki ētahi atu ratonga mātauranga

I tino tautokona. Ki tā te nuinga o ngā kaiwhakautu ka tautoko te pikitanga o te mahi tahi, pātuitanga hoki i te tūranga o te mātauranga kōhungahunga, otirā mō te painga ki ngā wāhi tuawhenua, tūhaha hoki. He tokoiti i kī kāore ō rātau reo i te rongohia i roto i ngā mahi tahi o te rāngai mātauranga whānui ake.

5.3 Te tautoko i ngā arotakenga ā-roto kaha, kia pakari haere tonu ai

I tino kaha te tautokona. Engari, e tono anō ngā whakautu kia mau tonu i a ERO tētahi tūranga nui i roto i ngā pokapū arotake ā-roto –te tuku aropā tōkeke mō ngā kitenga me ngā tukanga.

He aha kei te ngaro?

- » Te pikitanga o ngā pūtea me tētahi arotake i te pūnaha pūtea hei whakaraupapa tika i te pūnaha
- » Kia pai ake te kōmitimiti o te mahere me te *Rautaki Oranga Tamaiti me te Taiohi* me te Kōrero Mātauranga a te Kāwanatanga, tae atu ki te Arotake i Ngā Kura mō Āpōpō me te *Mahere Mahi Tautoko Akoranga 2019-25*
- » Te mārama ka pēhea te whakatinana i Te Tiriti o Waitangi i roto i te mahere, ā, ka pēhea te whakapai ake a te mahere i te mātauranga mō te Māori me ngā iwi nō ngā moutere
- » Kia whakaurua ngā putanga o te arotake Ā-Kāinga me te nui ake o te arotahi ki ngā tautoko ā-pāpori kia taea ai e ngā mātua te noho i te kāinga me ā rātau tamariki
- » Ka nui ake te aro atu ki te hauora me te oranga o te tamaiti, me te āhei atu ki ngā tautoko akoranga
- » He ara pakari ake kia āta hangaia he pūnaha akoranga kōhungahunga e wehe ana i tētahi pūnaha tūmataiti, whai huamoni
- » Kia nui ake te arotahi ki te whakatipu i ngā pūmanawa kaiārahi me te ōrite o te āhei ki te matihiko mā ngā tamariki, kaiako hoki